

絳縣志

胡廷署檢

絳縣志

志例

州縣之志非史也或曰外史之流也宜用史法不當仿圖經圖經特史中地理之一部耳縣志主於蒐討掌故表章賢哲上下古今限以地不限以時史詳一代之事志備一方之書有大小之殊無詳畧之異也絳縣五志今惟乾隆光緒二志存焉其譌謬不勝僂指順治及前明三志僅存其序大要與見存二志無殊辨地會徵文獻胥具於此烏可以譌謬相沿乎爰別爲新例發凡於左

修志非一人事也必集資開局延致通人寬以歲時加以采訪

分類纂輯各占一門然後歸於精審絳縣地瘠民貧籌資匪易而又僻在山隅鴻儒碩士轍跡罕到不揆固陋輒獨任之行篋藏書足供采擷山川原委於巡視時親爲履驗節孝則訪之里老從容載筆不復假手於人以故一無所費唯剗劂需工而已無本之學不足據爲典要凡所徵引悉註明原書以便考核圖與志相表裏全書以爲準率舊志不解開方但繪一圖鄉鎮村落多所罣漏又未圖及山川古今沿革更無論已茲仿賈氏朱墨法辨方正位詳攷古今沿革及山川城關鄉鎮分著於篇八景始於西湖宋人多有詩詞不可以入志乘也今之縣志視爲通例其實流連光景與地理何涉通人作志悉屏不取絳志

舊有八景今一併刪之

絳縣在南北立縣之前或謂爲曲沃或謂爲聞喜舊志指爲新田聚訟紛紛迄無定說苟非就山川以定地望幾何不對卷瞠目也今旣詳攷沿革著於大事表中復別爲沿革志一篇反覆攷證以歸允當

山川宜詳脈絡原委地志通例也舊志但標其名不辨方位今爲詳攷遠近爲山川志一篇

志之圖星象陳分野幾於無縣不然名志則無有也舊志摭摭丹元步天妄爲比埒今悉刪之第詳晷度節氣及京省直綫辨方協紀以爲農事之準

絳邑舊治在今曲沃漢周勃所封正當其地宜入曲沃縣志唐宋以來所食封者皆絳州地也於縣無與舊志有封爵一門首載唐叔虞終以宋元藩臣極爲乖謬今併刪之

舊志人物門舉春秋晉國名臣悉數載入其謬不足言也又旁弋絳州平陽之人指爲縣產至於碯爲縣人則又陋焉如張夢鯨絳縣人明崇禎中官陝西巡撫見通鑑綱目三編縣志凡耆民例貢悉載無遺反於封疆大吏佚其姓名其失甚矣攷夢鯨因秦兵入衛在道潰散憤恚而死非叛逆比也天厭明德當時若孫傳庭盧象昇諸人尙且無功豈以師徒不戢爲夢鯨罪乎兵潰恚死是亦心存君國者也雖非死綏疆場不猶愈李建泰

之從逆衛周祚之歸明乎李衛名載通志張並通志亦失載皆漏也非有意屏之也茲亟補入鄉賢傳中

余到官後無日不讀書凡有涉絳事者輒手記之讀綱目三編而知張夢鯨之爲縣人讀授堂集而知段鐸之曾爲縣尹當脩志之始專攷正史以爲正史無信無矣孰知埭見他傳之尙有人也以此例之望漏必多補闕訂逸所望來哲

縣志貴簡康海武功志所以擅名一時也然攷古證今有不得不詳言者絳縣若漢以前疆域及古蹟中之姜嫄墓皆在所必辨又如壇廟志之魁星亦詳著其始末以祛後人之惑余豈好辯哉不得已也

風土一門縣志多有之舊志所采不過詩譜國語皆指唐魏全境而言非絳縣所獨也至於冠昏喪祭有國典在同倫之世奚可自爲風氣故於此一門從闕

志中所錄皆確爲絳縣之事凡舊志牽引絳州平陽者悉汰之惟大事表系以統部凡事之涉於絳者輒臚列表中以備攷覈如漢之河東郡絳縣隸焉凡稱河東者不能別其爲何縣也

國朝則專錄縣事近則易徵尙非自亂其例讀者鑒諸

藝文專采縣人所著書分爲四部舊志所錄詩文無關政要刪之

藝文旣汰去詩文凡碑記有關營建者各附於本條之下

地志所書土物大率貢品也舊志列物產一門皆禾麻菽麥之類初無異產不以充貢是以刪之惟縣中出什載在史傳特附於田賦志後並附紀近事以鑑得失

寺觀不在祀典列於古蹟志中不在祀典之神廟則附於壇廟志後

縣志戶口多附地理且詳古今盈絀絳縣明以前無攷土地志登載已夥故埒見田賦志中

志於地名官名各隨年代以書如國朝知縣不敢言邑令也此行文之定式不獨作志爲然昔人見姑蘇志卽嗤爲不通有以夫

生人例不作傳惟節婦及年應旌者得備書

絳縣志

目錄

圖四

疆域圖第一

總圖一 歷代圖十一

卷一

山川圖第二

總圖一 水經注圖一 各史志圖一

卷二

城關圖第三

總圖一

卷三

鄉鎮圖第四

總圖一 分圖四 渠道圖一

卷四

表四

晷度表第一

北極高度 偏度 節氣 日出入晝夜刻 矇影差
日高弧 日餘弧 晷影 京省直綫

卷五

大事表第二

古今紀事 統部沿革 州沿革 縣沿革

卷六

職官表第三

金至 國朝 知縣 縣丞 主簿 典史 教諭
訓導

卷七

選舉表第四

宋至 國朝 辟薦 進士 舉人 五貢 武進士
武舉人 捐納 封贈 鄉飲賓介

卷八

志九

沿革志第一

唐虞至 國朝

卷九

山川志第二

山川

卷十

土地志第三

縣境 四至八到 城池 鄉鎮 坊里 關梁
兵防 舖遞

卷十一

田賦志第四

賦額 雜稅 戶口 水利 鹽法 什務

卷十二

壇廟志第五

大祀 中祀 羣祀 不在祀典各神廟

卷十三

學校志第六

學宮 學額 學田 書院 義學

卷十四

衙署志第七

官署 倉庫 公所

卷十五

古蹟志第八

古蹟 墳墓 寺觀

卷十六

藝文志第九

經史 子集 碑刻

卷十七

傳四

循吏傳第一

金至 國朝

卷十八

鄉賢傳第二

鄉賢 忠節 孝友 義行

卷十九

列女傳第三

節婦 貞女

卷二十

敘傳第四

卷二十一

絳縣志卷一

奉政大夫同知銜賞戴花翎山西絳州絳縣知縣加五級紀錄十次成都胡延讓

疆域圖第一

地理之要在圖圖與志相爲表裏古人左圖右史圖所以輔史也圖經之作蓋始夏后降及周秦職方所掌蕭相所收象物作會粲然垂制而今已不可見後之作者首推裴秀晉圖亦久失傳莫由窺測史稱上攷禹貢山川及古今郡縣甄摘舊文靡不注列其制六體分率準望道里高下方邪曲直參而攷之以謂峻山巨海之隔絕域殊方之迥登降詭曲之因皆得其實可舉而定亦未知其何若也或謂裴君雖爲司空未嘗效伯禹敷土

又不聞遣何人分行天下徒徧六體之法而地形何所自詳也絳縣舊志僅列一圖不解開方餘但繪摹景物鄙陋不足據通志仿賈耽朱墨法頗不陋觀然所圖絳縣山水村落十九舛誤蓋亦乞靈故紙未暇徵攷耳夫章亥善步禹貢用成鄧艾行邊魏屯始建是知圖志之學雖有聖人必待親履矣今以開方爲經緯首列疆域所以正華離一統系也其沿革始末則入志中

皇朝疆域圖第一 每方二十里



